



ARUBA ANSE COURANT



Diario



pa Aruba



Instala Aireacon-
dicionado na bo
cas AWOR!



Tel. 2170

ANJA 21

DIASABRA 2 DI JULI 1960

Nr. 3774

Bohama y Cur. Dok. Mij. lo construi e Lago Bunkerstation

31 october e trabau mester ta cla

ORANJESTAD — Lago ayera merdia a pone construccin di e instalacion di bunker den haaf di Oranjestad den mon di N.V. Bohama y N.V. Curacaose Dokmaatschappij. Dia 31 october e dos firmanan aki, cu lo traha cada uno un parti di e trabou, mester entrega e instalacion cu lo honja un copocidad di 50.000 barrels. Nan ta spera cu e construccin lo cuminsa aki poco dia.

E bunkerstation lo consisti di un total di 3 tankers, un edificio chikito y conecionnan di tubo. Na cada pier nan lo pone un conecion ariba e station. N.V. Bohama a hanja ordu pa basha e fundeshinan, y construi edificio chikito den cual e aparato pa controla y e pompnan lo bini, haci e trabounan na e cura y pone e conecionnan pa electricidad. E compania aki ta responsabel pa e trabounan di verifcacion tambe. Curacaose Dok Mij. (antes N.V. Combinatie Pletterij Nederhorst) lo pone e tanknan y pasa e conecionnan di tubo.

Tres tanki

E lugar di e bunkerstation ta bira e pida terreno pafor di haaf pega cu e entrada principal enfrente di e oficina di D.O.W.

E tanki chikito di 6.700 barrels cu actualment ta para ariba un di e piernan tambe lo worde hiba ariba e pida terreno aki.

Tambe lo bini dos otro tanki mas di respectivamente 24.000 y 20.000 barrels, cu tambe ta di Lago. Eynan nan ta worde saca for di otro y na Oranjestad nan lo worde arma atrobe. For di aki nan lo pasa conecionnan di tubo pa e piernan. En total lo bini 4 punto pa conecion.

Tres sorto di zeta

Tres sorto di zeta lo ta obtenible, esta dieseloil, fueloil y gasoil. Cu e

capacidad aki di mas di 50.000 barrels di zeta y tres diferente sorto nan ta spera di solucion a problema. Mas of menos 7 anja e bunkerbarge di Lago, cu un capacidad di 4.000 barrels, a duna zeta na e baporan. Si nembargo for di hopi tempo caba nan ta sinti e necesidad di un bunkerstation.

E zeta lo worde transporta for di Lago pa Oranjestad pa medio di tankersnan. No ta bini anto un conecion di tubo for di Lago pa Oranjestad.

Nan ta spera cu e barge lo worde saca for di otro asina cu nan pone e bunkerstation den uso. E baporan e ora cy por hanja zeta durante e tempo normal cu nan ta keda den haaf. Door di e bunkerstation aki no solamente nan ta haci cu e baporan no mester

AVISO LA ESPERANZA N.V.

ta participia cu cuminsando dia promer di juli 1960 tur su shareholders por pasa un oficina cu coupon No. 3 bin busca

6%

di ganancia (interdividend) pa e promer 5 luna di operacion di 1960.

Ora di oficina: 8.00 a.m. — 12.00 a.m.
2.30 p.m. — 6.00 p.m.

E. WEVER

Aruba, 1 Juli 1960.

(esaki ta di 22% di ganancia cu LA ESPERANZA ta parti den 18 luna pa tur su shareholders.)

spera bopi, pero nan ta spera cu e facilidad aki, hunto cu e instalacion di awa dushi cu lo bini pronto, lo trek mas baporan pa Aruba.

CHARLA RADIAL DI LAGO A STOP

ORANJESTAD — Cu e programa di e siman aki via e tres radio emisoranan local a jega un fin na e serie di charlanan semanal haci pa miembros di directiva di Lago. Tabata e president di Lago O. Mingus, kende a papia pa delaster biaha e siman aki y cu a informa cu awor despues di 44 charla, nan lo stop por lo pronto.


Dia 23 di augustus di aya pasa Lago a cuminsa cu e programa "Ora di Lago" via e tres radionan local. Den e ora ei nan a dedica un cuarto di ora pa tene discusionnan pa hendenan di Lago tocante diferente obhetonan. Asina nan a trata tocante varios parti di e empresa e posicion di Lago den mercado mundial, seguridad etc. Awor por lo pronto nan lo transmiti un ora di musica solamente.

ENTIERRO DI H. ODBER

ORANJESTAD — Diabuebs atardi, cantidad di famia conecionan, y amigunan di senior Hubert Oduber, (67), cariñosamente jama Hieuw, a worde hiba pa su ultimo lugar di descanso.

Despues di un corto malesa na cama el a muri diarazon. Cu senior Oduber ta bai un otro jiu di Aruba inolvidable. Den su cantidad di anjanan den servicio di gobierno el a sirbi su isla bon. Anjanan largu e tabata entre otro director di postkantoor na Aruba. Ademas di esei e tabata buer interino pa basta tempo. Dia 1 di novem- ber 1918 el a drenta den servicio di gobierno. Tres anja pasa el a sali cu pensioen. Durante 1955 senior Oduber a worde nombra ridder in de orde van Oranje Nassau. Senior Oduber tabata soltero.

Esaki ta A-4946 cu diahuebs anochi despues di a corre dal ariba A-2467, a bai dal den parcela W.S.P. 23. Pa poco e auto a drenta den e cas tambe. E muraya di e cas a kibra completamente.



Solamente 8% di e candida- tonan di MULO a zak

ORANJESTAD — Di e 196 candidatonan pa e parti oral di e Mulo-examen cu a termina diahuebs a zak 14, o loke ta mas o menos 8%. E porcentahe aki compara por ehemplo cu Hulanda tabata favorable. Na Hulanda nan ta registra normalmente un porcentahe di 15%.

E 182 candidatonan cu a slaag awor definitivamente tin cu bai reflexiona nan mes ariba nan futuro. Contrario cu anjanan anterior ta muy probable cu e anja aki menos mucha lo bai Hulanda cu un studiebeurs. Esaki ta bini pasobra e facilidadnan tanto pa un H.B.S. di cinco anja como pa preparacion pa maestranan di school a worde crea na nos isla. Anteriormente majoria di e beursnanan ta bai Hulanda cu e intencion di caba H.B.S. of pa oblene e diploma di maestro di school.

Number di e candidatonan cu a slaag den e ultimo grupo ta: Violeta F. Croes, Blanca A. Fingal, Luduina C.M. Hassell, Julianita Henriquez, Winston E.V. Kock, Anthony L. Lejeuz, Elisand Blume, Alfredo E. Pichardo, Alex E. Toppenberg, Nilda B. Albertus, Lillian M. Dirks, Emmy H. Dongen, Antonio O.E. Benjamin.

I.S. DE CUBA

GEZAGHEBBER INTERINO

ORANJESTAD — Deputado I.S. de Cuba ayera a worde nombra como gezaghebber interino di e territorio insular di Aruba.

Senior De Cuba ta diputado for principio di 1956. For di 1956 pa 1959 e no tabata miembro di eilandraad, desde 1959 e tin puesto como miembro tambe den e raad.

Senior De Cuba ta sigi diputado O.S. Henriquez como gezaghebber interino.

GANA

P-L-A-C-A



BEBE PEPSI

"Look under the Crown"

new

No more melted-down ice cubes!
And no more watered-down flavor!



extra delicious iced tea instantly with cold water!

NESTEA® is a modern instant form of 100% pure tea—selected Orange Pekoe and Pekoe teas in a delicious blend. Dissolves completely in cold tap water! No water to boil. No messy tea bags or tea leaves. Bright 'n clear! Refreshing!



PROGRAMA

di e
6a OLYMPIADA DI A.S.U. 1960

AWA, 2 DI JULI PA 3.00 'OR

den LAGO SPORT PARK

Lawn tennis: ARUBA vs. VENEZUELA

Entrada: Fl. 1.50 Fl. 1.—

PA 7.30 'OR

riba TERRENO DI ESTRELLA

Volleyball: RAPID vs. FLASH

(Caballeros)

CURACAO vs. ARUBA

(Damas)

Entrada: Fl. 1.— Fl. 0.50

PA 7.30 'OR

den WILHELMINA STADION

Softball: ORANJESTAD STORE vs. DAKOTA STARS

(Damas)

ARUBA vs. VENEZUELA

(Caballeros)

Entrada: Fl. 1.50 Fl. 1.—

DIADOMINGO, 3 DI JULI PA 10.00 'OR A.M.

na BASI RUTI

Water-sport, spearfishing y trolling, pustamentu di boto di motor, y di ski: ARUBA vs. CORROW

PA 10.15 'OR A.M.

na ST. ANNA SCHOOL (Noord)

Volleyball: JUNIORES ENCUENTRONAN LOCAL ARUBA vs. CURACAO

(Damas)

Entrada: Fl. 1.— Fl. 0.25

PA 10.30 'OR A.M.

na N.W.I.W.A.

Hisamento di peso: LOCAL

Entrada: Fl. 0.50 Fl. 0.25

PA 3.00 'OR P.M.

den LAGO SPORT PARK

Tennis: ARUBA vs. VENEZUELA

Entrada: Fl. 1.50 Fl. 1.—

PA 3.00 'OR P.M.

den WILHELMINA STADION

Softball: ARUBA vs. VENEZUELA

Entrada: Fl. 1.50 Fl. 1.—

PA 5.00 'OR P.M.

den WILHELMINA STADION

CORONACION DI REINA DI DEPORTE

Votacion pa reina di deporte lo sera 4.00 'or.

DEPORTISTANAN

TA PREFERA

E ARTICULONAN DI DEPORTE
DI
J. E. P. CABENDA

Choke: auto y bicicleta

Pa 8.20 ayera mainta e ciclista T.A.B. a corre dal den Boerhaavestraat ariba auto A-1290 mancha pa M.H.V. E ciclista a hanja un herida leve na su man dreebi y e bicicleta mes no a banja nada. E auto sin embargo di un moda inercible a hanja f. 400 di danjo.

Wild West

Diabuebs anochi pa 9'or y cuarto e cantinero di Rio Bar a keba na polisan cu un tal W.C.K. a drenta den cantina, y meskos cu sa socode den pelicanan di Wild West, e cuminsa kibra e spiel y un stool den e cantina. Polisan a bini y bai cu K.

Choke: hopi danjo

Pa diesor di anochi diahuebs e bichanan di Weg Seroe Pretoe na San Nicolas a tende un klap fuerte. Tabata A-4946 mancha pa B.C. kende despues di a dal e auto A-2467 mancha pa R.E.T. a corre bai dal den e cura di parcela No. 23. E sla tabata fuerte y e cura a basha abau y e auto pa poco a drenta e cas, si no tabata pa un stoepi cu a wantele. Ambos chofer a banja beridan na man y pia. Daulo na A-2467 ta fls. 350.— y na A-4946 y e muraya e danjo, cu ta hopi grandi, no ta conoci ainda.

A hanja

Franklin Maduro a hanja un pida biljebe di sorteo 7 Juli 1960.



Robo den anochi

ORANJESTAD — Den e anochi di diarazon pa diabuebs nan a kibra drenta den kantoor di Gas Supply den Rendweg. Polisan ta investigando e asato.

Na San Nicolas polisan a detene e muchu bomber A.B. di 15 anja pa motibo di a comete varios robo.

Deteni

Pa motibo di a comete actonan contra moralidad polisan a detene y pone preso e bomber A.B.

Boto a dispare

Senior Aniseto Orman di Canoastraat 7 na Playa a duna kebo di falta di su boto di 10 pia largo y cu tin color sbinishi cla y berde. E boto tabata mara na wanf di Taratata.

F A T U M — Tel.: 1845

Pa tur bo aseguronan

Nan a keda den taxi

Un turista abordo di Santa Monica Oswald Mirren a presenta na warda informando cu pa 11.40 diarazon anochi el a baha for di un taxi (un Chrysler color berde) y a laga atras un saco di papel. Den e saco aki tabatin e.o. un paspoort. Polisan ta suplica debothe e saco aki.



AIRCONDITIONERS

E ULTIMO MODELONAN A CABA DI JEGA

NEME IMPORT - EXPORT Co.

Nos ta tuma bo AIRCO bieuw!
Condicion di pago masha favorable.



OPROEP

De aandeelhouders van de
N.V. CONTAL AGENCIES IMPORT & EXPORT

worden opgeroepen ter algemene jaarvergadering op 20 juli 1960 om 8 uur n.m. ten kantore der vennootschap. De punten van de te behandelen stukken liggen ten kantore der vennootschap ter inzage voor de aandeelhouders.
Aruba, 1 juli 1960.

De Directie.

DETALLENAN DI ELEGANCIA DEN UN CAMISA FAMOSO

**E COL TA TRAHA
DI UN PIDA SOL
CU NUNCA TA MACHICA!**

E CAMISA EXTRAORDINARIA

VAN HEUSEN®

Century

Puntanan di manga
cambiable pa usa sea
cu boton o mancorina.

Col patentá di
un pida sol, na
estilo di gran moda

E prome bez en bo usa un camisa VAN HEUSEN Century lo bo descubri cu e col di e camisa aki ta traha na perfeccion. Sin construcion especial, di un pida sol, ta haci cu nunca e ta machica. Pone aki cerca cu camisanan VAN HEUSEN tin mas estilo y distincion incluyendo detallenan fini, manera e puntanan di manga cu ta cambia pa usa sea cu boton normal o cu mancorina.

No laga di mira e camisanan CENTURY Vantage, un exclusividad di VAN HEUSEN na telanan di catina „Laba y usa“.

Pelea di dos homber den cual ningun a dal promer

ORANJESTAD — Mr. J. Eleonora a sinta scucha cu masha atencion loke e dos hombernan T.C. 45 anja y B.G. di 50 tabatin di bisa na nan fabor, promer cu el a duna cada uno un boet di fls. 50,— y fls 20,— sucesivamente. C. y G. a bringa dia 22 November di e anja cu a caba dilanti di un bar y den cual pelea tur dos a worde maltrata. Ambos mester a presenta como acusado.

Tanto C. esun mas gordo, como G. esun flaco y cu hiri, a reconoce cu si nan a tira golpi, pero cu ta e otro a tira e promer mokete.

T.C. acusa di a moketa y skop G. asina fuerte te cu esaki a kibra un relchi y hanja heridanan na su cara, a ringa redondamente di a skop su contrario.

„Mi tabata haci gracia cu un muhé den e cantina y G. a jega dal mi un mokete ariba mi nanishi y laga mi baxa na sanger. Mesora mi a garel y nos tur dos a bai suela, y e sla gan a bini door di e cai. Mi no a skop G. ta ora cu polisnan a jega mi a tirele un mokete y te hasta faja mi a faja den esaki“.

G. a relata e pelea na un otro forma. „Un pelea sin discusion senior huez, ta hala mi a hala C. su atencion ariba algo cu el a jega di bisa. E no a contesta, sali pafor, y bolbe

rato despues cu e pregunta: „Bo kier dalmi? Mi go, a spera cu e nian a sali asina liher, dal mi banda di mi bril, spart esaki leuw, y mi a keda completamente descontrola.“

Na suela C. a skop mi. Te hasta un primo di dje tambe kier a dal mi. Pero mi por algo cu C. no por, jiu-jitsu, y door di haci uso di esaki mi a dal e abau y dunela un bon duna“. Palabra a bai pa mr. F.C. Fiek kende ta hanja compra cu C. a skop e otro, sakando esaki for di rapport di dokter traha pa e heridanan cu G. a hanja. Tambe e kaarchi di straf di C. a bini padilanti y riba cual tin apunta dos caso pa maltrato caba. „Cienticuenta geldu di boet o setenita dia sera“ tabata e demanda. C. pa salha loke por salha ainda a trece adilanti cu e tin jiu pa cria y cu e no tin un trabau liho. E boet e ta hanja mucho halto.

E presidente a comprende esaki y teniendo na cuenta tur e consecuencianan a sentencia pa fls. 50. o 20 dia

Pimples Go Cause Killed in 3 Days

The very first application of Nixoderm begins to clear away pimples like magic. Use Nixoderm tonight and you will soon see your skin becoming soft, smooth and clear. Nixoderm is a new discovery that kills germs and parasites on the skin that cause Pimples, Boils, Red Blisters, Eczema, Ringworm, and Eruptions. You can't get rid of your skin troubles until you remove the germs that hide in the tiny pores of your skin. So day under the positive guarantee that Nixoderm will banish pimples and clear your skin soft and smooth or money back on return of a p.p.t. package.

Nixoderm
For Skin Troubles

TE KOOP AANGEBODEN


MEUBILAIR

(Beschikbaar per 1 augustus)

JULIANA STRAAT 10

TEL. 2480

Y ey nan e AIRCONDITIONER ta bini



E ta trahando su cas y ta laga un lugar pa un Airconditioner. Awor hopi di su amigonan tin un Airconditioner.

E tambe mester tin un.

Tambe e por drumi mas trankilo - sin boroto of gritamento di e muchanan - semper fresco.

Gracias na AIRCONDITIONING

E ta sabi, pasobra e ta laga pone un Airconditioner den su cas nobo (no ta cos tele mas cu algun cens pa dia) y ta sintiele bon, dia y anochi.

**Haci mescos cunele
Cumpra un AIRCO tambe.**



Pero asina!



No asina'ki

Pidi informacion GRATIS na



TEL. 2170

serra. Un sentencia cu a bai den bon agrado cerca e acusado. Husgando G. e fiscal ta hanja cu a keda comproba cu esaki tumba a dal C. y por lo tanto tin falta den esaki.

Teniendo cuenta cu e sentencia di e huez den e caso di C. el a exigí fls. 10,— o 4 dia sera pa G.

E huez ta opinie cu e fiscal, esta cu G. no a pravoce e pelea. Su sentencia a cai net manera cu e fiscal a pidi.

ENTREGO DI MEDAYA TRANSMITI PA RADIO

ORANJESTAD. — Radio Kerk-bom lo ta den aire dialuna awor 4 di juli pa cuat'or y mei for di den Papiament Room di Aruba Caribbean Hotel. Nan lo ta transmitiendo e programa di entrega di medayanan di merito na e senioran O.S. Mingus, R. Chalk, y M. de Woskin. E condecoramento cu e medaya aki ta un iniciativa di e institucion „Echo of Aruba“, di Asociacion Arubano di Comerciantes.

INFORMADOR NA ARUBA

ORANJESTAD. — Avera a jega Aruba senior J.A. Mulder, colaborador di Oficina di Asuntunan di Ensenanza y conferencia di „Koninklijke Instituut voor de Tropen“ na Amsterdam. Senior Mulder a bai Aruba en conexicon cu e esfuerzonan cu ta ser haci pa e Instituto ariba menciona pa aumenta mehora e informacion tocante Antillas Hulandes y Surinam, especialmente cerca hubentud y publico hulandes en general.

E hiaha di Senior Mulder a ser haci posible door di e cooperacion di Jan Pieterszoon Koen Stichting — cu ta duna ajuda pa haci hianhanan di estudio na territorionan hulandes den Ultramar — y pa diferente empresa, entre otro: N.V. Biliton Maatschappij, Curaçaoische Handel Maatschappij N.V., Shell Nederland N.V., Nederlandse Handel-Maatschappij y tambe Koninklijke Papierfabrieken Van Gelder, Zonen N.V.

Senior Mulder ta tene charla y conferencia na Hulanda tocante nos Antillas y Surinam pa e klasnan di mas halto di H.B.S. y Kweekschool y pa organizacionnan cultural na henter Hulanda. Di e moda aki e ta contribui na un mihó conocimiento door di hubentud hulandes tocante nos territorionan. Awe mainta senior Mulder a ser recibí pa Senior Kerstens, secretario di Territorio Insular di Aruba, y tambe pa senior N.A. Piña, jefe di Servicio Informativo di Aruba. Senior Mulder lo keda un siman na Aruba. E ta kedando actualmente na Strand Hotel pero lo pasa fin di siman na Aruba Caribbean Hotel.

VERWIJDER HET VET

Wanneer vet Uw figuur ontlast of U kortademig maakt en Uw gezondheid in gevaar brengt zal het voor U gemakkelijk zijn een half pond per dag in gewicht te verminderen met de nieuwe Hollywood methode genaamd Formode. Geen drastisch dieet of oefeningen. Volkomen ongevaarlijk. Vraag Uw apotheker naar Formode en begin morgen met Uw vermageringskuur.



Banco Antillano n.v.

Nassastraat 60 — Oranjestad
(boven WIMCO)
Telefoons: 1208 - 1209

Sinds de instelling van anze Spaar-Afdeling
vergaeden wij ap spaarrekeningen

3%

rente per jaar.

Vraagt vrijblijvend inlichtingen
tevens omtrent

**DEPOSITO'S
BELEGGINGEN — CREDIETEN
ALLE VERZEKERINGEN**

Bij de Banco Antillano bent U Beter Af.

EILANDGEBIED ARUBA

Het Bestuurscollege van het eilandgebied Aruba roept sollicitanten op voor de functie van: Hoofd van de Julianaschool te Oranjestad.

Gegadigden dienen een ruime ervaring te hebben en benoembaar te zijn tot onderwijzer eerste klas, categorie B.

Sollicitaties vóór 17 juli 1960 in te zenden bij het Bestuurscollege van het eilandgebied Aruba, Bestuurskantoor, alhier.

FOR DI AWOR INTERES GRANDI PA STERRIT RODE KRUIS

ORANJESTAD. — E organisadornan di e gran sterrit di Rode Kruis cu ta worde teji diasabra anochi otro siman, ayera a mustra nan mes masha satisfeco cu e interes cu ta reina for di awor caba. Cuarenta equipo a laga inscribi caba. Cuarenta auto par la menos lo ta ariba caminda ora cu e „start“ cuminsa.

Nan ta spera sinembargo mucho mas. E ruta di e rit aki cu lo dura dos hora a worde prepara cuidadosamente, no mucho dificil, pero tampoco asina facil cu e participantenan por corrie e ruta sin mucho trabau.

Anochi pa 7'or nan lo start for di e edificio di Rode Kruis na Eagle. E punto final lo ta Basiruti, na unda nan lo baila despues y entrega e premionan. „Los Duques“ y Padu del Caribe lo zorg pa muziek e anochi aki. Esnan cu ta desea di participa a'nda por duna nan nomber cerca dok'ter P.C. Harting, c/o Gezondheidsdienst o cerca senior B. Roeloffs Valk, c/o Bestuurskantoor.

COBRDOR DI LUZ DEN LAATI

ORANJESTAD. E cobrador di luz E.C. di 28 anja dia 21 april di e anja aki, sin ningun derecho, a bula anochi den cura di un cas den Fahrenheitstraat y cuminsa camia gehuk, de bez en cuando tirando un wovo door di begiananan di e cas. Como cu ta promer biaha cu el a mete cu husticia a skapele cu e por a bai cu solamente un luna condicional.

„Hember ta pakiko bo a haci e „cos ey“, tabata e pregunta di mr. J. Eleonora.

„Mi tabata hurachi y ta pesey mi ta kere cu mi a hanja e gana di bai loer un rato“, e acusado a bisa masha poco.

„Ta ki ora cu bo tin bitter aden, bo ta haci sorto di cosnan asina“, un biaha mes e huez a puntra. „O bo cabez no ta bon“. E acusado a declara cu esaki tabata di promer biaha.

E fiscal a observa cu e „lurmento“ den bentanana di cas di hende, sin permit di e donjo, ta birando dia pa dia mas hopi. „Dos siman pa Dakota“, faki si lurmento door di tralie no ta contra ley — redj.

E huez a duna e lurdó un chens, dunando un castigo condicional di dos

luna cu un tempo di prueba di 3 anja, esaki pa motibo cu e acusado a mustra un actitud asina arrepentido durante tratamiento di e caso. „Y tambe pasobra ta promer biaha cu bo a mete cu husticia.“

Cualquier cos bo haci den e tres anjanan aki bo ta bai presa y perde trabau y tur cos“.

PA 2 LUNA DEN DAKOTA

ORANJESTAD. — „E kaarchi di straf di e acusado di 18 anja aki lo ta di gran importancia pa e caso di awe muhita. Pa e mas o menos dos anja y mei cu mi ta na Aruba, e mucha aki a tira masha conoci di mi. Algun biaha tabata pa viola leyman di trafico y otro biaha pa otro actonan contra ley. E tan, to chensnan en el a hanja pa drecha su bida e no a provecha, y awe e ta para aki riba pa ludroncia.“

Su kaarchi di straf ta demostrea cu su bida ta tumando un curso „robez“, e palabranan aki mr. F.C. Fiek tabata pa e joven di 18 anja G.A. G. cu dia 21 maart di e anja aki a horta algun tapa di wiet di un auto cu ta pertenec na un tal P.Z.

E fiscal a mira awor e momento jega pa e joven aki sieti cu loke cu e ta haci ta malo. E dos luna di prison pa Dakota cu el a exigí, y riba cual e acusado no tabatin mucho di bisa, a bira tambe e sentencia cu e huez a lesa un rato despues.

CANWORD CONTRATA DEFINITIVAMENTE

NIJMEGEN. — E club di segunda division na Hulanda NEC a contrata definitivamente e futbolista, antillano Wilhelm Canword pa e temporada venidero. Canword a jega Hulanda algun luna pasa, pero no por a firma un contrato en conexicon cu e reglanan di descripcion di K.N.V.B.

MINISTRO MORPURGO HOSPITALIZA

AMSTERDAM. — E vice-primer ministro di Surinam, senior A.J. Morpurgo, a worde hiba diahuebs pasa Wilhelmina Gasthuis na Amsterdam pa observacion.

E ministro ta keha di dolornan na parti paden di su curpa. E medico cu ta tratele ta prof. dr. Boerhave. Mas despues ministro Morpurgo lo worde hiba pa un especialista di nanishi, garganta y orea den Leidsche Academische ziekenhuis.

Otro grandioso show pa damnificadonan Chileno

ORANJESTAD. — E smaak a keda despues di e exito grandi cu e show „Aruba Juda Chili“, tabatin algun siman pasa den Sociedad Bolivariana. E biaha aki lo ta e Centro Unido Venezolano lo bini cu un espectáculo den cual e mihor di e talentonan local lo duna un performance.

Den Sociedad Bolivariana, recobrando e gloria perdi, e siguiente artistanan lo actua diahuebs 7 di juli cuminzando pa 8'or.

Prome Parti:

- Padu del Caribe, e mago na piano.
- Marisela Luydens, un prometedora cancionera di 9 anja.
- Trio Los Aventureros, e favoritonan di e publico.
- Corridonan Tipico Venezolano, a cargo di e popular cantante y barbero, Goito y su conjunto.
- „Pajaro Guarandol“, e muy conoci danza tipicamente venezolana, baila

pa un grupo simpatica di jovenan.

6. Sr. Lody Rodriguez, e homber orkesta.

Segunda parti

- Duo Esther de Castro/Rodolfo Brete, dos voz cu i armoniza.
- Tali Lopez, e zorzal criollo.
- „Las Mujeres“, poesia a cargo di sr. Rogelio Maldonado.
- Ana de Cuba, cantante di gran merito.
- Rhoda Frigerio, artista di reconocida fama.
- „Por el Camino“, un joropo venezolano, canta pa e muy popular Rodolfo Quilote, gran cantante di „Los Duques“. E joropo aki lo ser baila pa un conjunto di algun damitas masha netchi.

E entrada di e show aki ta destina pa e damnificadonan Chileno. Direccion ta den man di profesor Jesus de Lima.

COLEGIO ARUBANO

ta desea tur esnan cu a slaag pa nan Mulo-examen na Aruba masha pabien

Pero kende ta stop despues di a jega asina leeuw? TAL VEZ... tal vez bo ta despidi cu duele for di school!

Bo a pensa caba riba bo porvenir? Kiko bo ta bai bira?

Si bo tin bon punt, si bo kier progressa mas, si bo tabata gusta na school, si bo kier escohe un bunta profesion, si bo kier un bon salario, probabilidad di promocion y pension,

Escohe anto pa school, pa bo porvenir, pa juventud:

BIRA ONDERWIJZER!

1 di september e Onderwijzersopleiding ta cuminsa na COLEGIO ARUBANO, accesible pa tur religion.

Bo por inscribi te 1 di augustus.

Cu gusto e Director lo dunabo tur informacion

MAYORNAN, laga boso jioe lesa esaki...!

Awe anochi pa 8.30 den SCHOUWBURG
COMEDIA: Tres Un Acto pa EMMASTADTONEEL
 Kaarchi Fl. 3.50 (miembro di kunstkring Fl. 2.50)
 venta adelantado na Aruba Boekhandel y Aruba Post
 y awe nochi na sala.

FOR RENT
SIX OFFICES
 In the Wilhelminastraat
 opposite library
 Two of these very convenient
 for doctor's practice.
 Please call Mr. Arends,
 phone 1083

Aruba Jrs damas y „B” a gana trofeo di A.S.U.

(Di nos redactor deportivo)

ORANJESTAD. — E encuentro di basketball como parti di e programa di A.S.U. Olimpiada a wordo hunga diarazon anochi ariba cancha di Estrella pa Sta. Cruz. Un numeroso publico a goza di e dos partidonan cu no a carece di momentanan emocionante. Especialmente emocionante tabata esun di damas entre Aruba Jrs. y Estrella.

Na halftimo e campeonnan tabata tin un votabon di 12 pa 8. Pero den e segundo tempo Estrella ta empata e apitudo na 14 punto y score ta keda empata te den e ultimo minut.

di wega. Un atake di Aruba Jrs. den e ultimo secondonan ta produci e gol decisivo. Tempo no a permiti Estrella di busca e gol di empate.

Aruba Jrs. a gana asina cu score di 16 pa 14.

Aruba Jrs „B” 26 — Don Bosco „B” 22

E segundo match tabata entre e campeon y sub-campeonnan di clase B respectivamente Aruba Jrs. y Don Bosco. E colegialnan for di principio tabata den ventaha y na half tabata adlanti 18 pa 13.

Mientras cu Don Bosco ta falla cu frecuencia den e segundo tempo, Aruba Jrs. ta hanta e basket mas biaha. E ventaha di Don Bosco tabata bira menos y menos te cu Aruba Jrs. a empata y pasa gana.

Cu cuatro punto di diferencia, 26 pa 22, Aruba Jrs. a gana e match aki.

Entrega di e trofeonan

Despues di e partido Frere Theodorus, secretario di Aruba Basketball Bond a tene un discurso den cual e tabata tin especial palabranan di gratitud pa Estrella cu a fia su cancha pa e ocasion aki, pa e clubnan cu a duna nan cooperacion y tambe pa e referi y score y timekeepers. Ariba invitacion di Frere Theodorus, luego Sra. Nilda Croes, Reina di Deporte, a haci entrega di e trofeonan na e capitannan di e clubnan ganador.

Pa medio di esaki

Señor MAXIMON GOMEZ

y jloenan ta comblida tur familia y conocirnan na un Sacrificio di Misa

requiem di 3 Pader na Iglesia di Cristo-Rey na Brazil pa 7.00 or di

malata dia 4 di juli 1960 pa defunta Sra. ELIZABETH GOMEZ.

AVISO

Ta vende un Paaderio:

BABY BAKERY

Pa motibo di mi salud.

Di 2 di juli 1960 te 28 di maart 1961, kende cu ta interesa, por pasa tur diasabra despues di 3.00 or di atardi.

H. BARENO

Piedra Plat 44 — Tel. 1411

Tel. 1637

Rondweg 49

Blomenvhuis ROZENoord

pa FELICITACION DI NACIMIENTO

Laga un experto haci bo trabao

ACUMULADOR

WILHELM HAGEN

pa tur uso.

Boto — auto — motocicleta.

GENERAL STORE

di C. E. Julio.

Oranjestad 26

STRAND HOTEL

TA PRESENTA AWE NOCHI

los campeones del Ritmo

„ESTRELLAS DEL CARIBE”

directamente di Corsow.

DI 9.00 — 3.00 OR.

Atraccion especial: DOORPRIZES.

ENTRADA: Fl. 5.—

DAMAS: gratis.

Directiva ta reserva derecho di admision.

PA MOTIVO DI EDAD AVANZA

TA BENDE

e popular

PAPA'S CAKE SHOP & LUNCHROOM

na San Nicolas

Cualquier oferta aceptable — Condicion di pago favorable. Tambe por compra e inventario so y tuma e edificio na huur.

Hipoteek disponible.

LLAMA: 5234 PA INFORMACION

CUMPLIANJOS

Happy Birthday ta bay pa e simpatica senjorita Lelia de Lange, kende ta celebra su fecha natal pa parti di su papai, manay, rumannan Elvira, Victor y Daniel, tambe di Judith, Mirna y Chila Holsman, especialmente di su intima amiga Gala Zavala y Maria Luisa Dirks, familia Wolter, Holsman, de Lange y Dirks, tambe di Norma y Gloria Carlo.

Sr. Jacobo y Sra. Juliana Harnis ta cumpli 30 anja matrimonial y ta ricibi felicitacion di nan jinan Luisa, Linda, Hipolito, Victorina, Jacinto, Theresita Augustina, Bernadeta, Paulino, Francisco, Mariano, Maria Harnis, mama Clemencia Maduro, suegros Simon van der Biezen, Maria Harnis, Luis Thijzen, nietonan Ina van der Biezen, Lescy y Liesje Harnis, Susy Thijzen, cuñanan, rumannan, sobrinanan, especialmente di tur su conocinan na Corsow.

Ta cumpli 13 anja di feliz existencia e hobecito Leo Tromp y ta ricibi felicitacion di su mama Rosa, tata Bruno Tromp, rumannan Petra, Jacobus, Maria y Annie Tromp, sobrinanan Cecilia, Aida y Jolanda, sobrinonan Harold, Bartolo, Rudi y Roland, padronnan Ricardo Tromp y Theodor Tromp, madrina Barbara Vrolijk.

E hobecito Franklin Geerman ta cumpli 7 anja y ta ricibi felicitacion di su tata Cletano Geerman, mama Sixta, rumannan Ramona, Rubia, Rita, Stella, Emy y Edna, wela Nica, tita Jojo, welo Jonas, omo Querino, madrina Chida Croes, tur su omo y tantanan.

Hopi felicitacion ta bay pa e simpatica senjorita Esther Diana Frans, kende ta celebra su fecha natal pa parti di su tata Ernesto, mama Mathilde, rumannan Martiha, Ramiro, Arlowe, Herry, Joy, Dexter, Lenin, Isabel, Ira, Adel, Paul, tanta y omonan, y demas familiares, especialmente di su padriño Cerilio Thode, y madrina Janette Maduro.

Ta celebra nan 18 anja di feliz existencia: Lucita Kock y Luis Kock y nan ta ricibi felicitacion di nan tata Ambrosio, mama Apolinia, rumannan Sixta, Nini, Johannes, Juan Kock, familia Kock y Maduro.

Hopi felicitacion ta bay awe pa e senjora Rosalinda Ras, pa parti di su estimado esposo Luis Ras, 3 jinan Aicky, Julia y Jolanda, especialmente di Arlene Frans.

Ta recorda su fecha natal Senjora Maria Elizabeth Werleman y ta ricibi felicitacion di su esposo Cerilio, 6 jinan Mario, Chenta, Betty, Jasinto, Mona, Ismael, mama tata, tur rumannan, suegra, tur cuñanan y demas familia Geerman y Werleman.

SPAAR E

ETIKETNAN



pa bo
FRIESCHE VLAG
BIBLIOTHEEK

Agenda

ARUBAANSE COURANT
 diarlamie cu excepcion di diadomingo
 Edita pa
 M.V. ARUBAANSE DRUKKERIA
 GTOEVERS EN PUBLICITEITS
 NASSAUSTRAT 35 - Quid. Aruba
 Suscripcion / 3.— pa aña
 Edicion suelta 20 ct.
 Telefon:
 1116 Directiva y anunsio
 2116 Redaccion y suscrip.
 Directeur-boordredacteur G. J. A.
 Imprimi na M.V. Drukkerij „De 5”

CINE

ZATERDAG
 DE VEER 3.30 „The Big Country” 18 j.
 HALTO 4.00 „Decision at Sandown” 18 j.
 PRINCIPAL 6.00 „Violent Playground”
 Huwelik prinses Margaret 18 j.
 AURORA 7.30 „Untamed Youth” 13 j.
 SAVANNA 7.30 „Lawless Frontier” a.l.
ZONDAG
 DE VEER 3.30 „The Big Country” 18 j.
 matinee 6.00 „Texas Badman” a.l.
 HALTO 8.00 „Decision at Sandown” 18 j.
 matinee 5.45 „Rustlers on Horseback” a.l.
 PRINCIPAL 8.00 „Thunder in the Sun”
 Huwelik prinses Margaret 18 j.
 matinee 6.00 „The Bold Frontiersman”
 AURORA 7.30 „Portland Expose” 13 j.
 matinee 6.00 „Valius” a.l.
 SAVANNA 7.30 „Accused of murder” 18 j.
 matinee 6.00 „The Killer van Bogd” a.l.

WIT-GELE KRUIS

Zr. Ewilda - Zr. Perpetua. tel. 2300

BOTICANAN DI WARDA
 Oranjestad: BOTICA OUBER tel. 1760
 San Nicolas: BOTICA CENTRAL tel. 5008

ROOMS-KATHOLIEKE KERKDIENSTEN

Oranjestad: H. Franciscus Kerk: 11. Mis om 5 uur, 6.30, 7.30 kinderen, 8.30, 10.00 uur.
 San Nicolas: H. Theresia Kerk: 5.00 en 6.15 H. Mis 7.30 Kinderdienst 8.30 H. Mis en 5.00 H. Mis.
 Santa Cruz Kerk v.d. Onbevleete Ontvangenis: 11. Mis om 5 uur, 6.30, 7.30 kinderen, 8.30 Hoogmis.
 Savaneta: H. Hart Kerk: H. Mis om 5 uur, kwart over zeven kinderen, 9 uur Hoogmis.
 Paradera St. Filomena Kerk: H. Mis om 5 uur, 6.30 Hoogmis.
 Noord: St. Annakerk: H. Mis om 6 uur, 6.30 v.m., en 6.30 n.m.
 Cura Cabai: Christus Konink Kerk: 6.30 Hoogmis, 7 uur n.m., H. Mis.

PROTESTANTSE KERKDIENSTEN

Oranjestad: 9.00 v.m. ds. Jakobs
 Piedra Plat: 9.00 v.m. ds. Visser
 San Nicolas: 5.30 n.m. ds. Visser
 (Meth. kerk)

CHURCH OF CHRIST

10.30 a.m. en 6.30 p.m. YMCA-gebouw San Nicolas.

POSTSLUITINGEN

Zaterdag

Curaeas 8.30 & 10.00, EUROPA 15.30, Miami 10.00 & 15.30, New York 10.00 & 15.30, Suriname 15.30, Curacao 15.30, Maracaibo 15.30.

NOBO NOBO NOBO
 Nassaustraat 34
 Nos a caba di recibí: E ultima moda na U.S.: Voile di katona den polyester dacron Ban-Lon fabrics. Disenjo fantastico. „Nobody undersells Schlager in these new fabrics”.

TRANSITONE

Airconditioner

(fabrica pa Philco)

Menos sonido — Mas confortable

— UN GANGA —

solamente fl. 520 (cash)
ARUBA TRADING CO.



Awor numa bo por bai gana bon placa

Bebe TROPICAL SPECIAL

Esakinan ta bo chensnan

f200.—

f50.—

f10.—

25 cts.

10 cts.

Desde di awe miles di tapanan di TROPICAL SPECIAL tin bator. Algun di nan ta bal nan peso den oro.

Tin tapa di DOS CIEN FLORIN (y mas di loke bo ta kere)

Miles di tapa cu premionan tin di fl. 200.— te na 10 cents.

Pidi Tropical Special e ta obtenible tur parti.

TROPICAL SPECIAL den tur sabor:

Kola Champagne - Pineapple - Cherry - Grape - Punch - Cream Soda - Lemon Lime.

TROPICAL BOTTLING CO.

OF ARUBA

ORANJESTAD

TEL: 1773

AMSTEL ANTILLANO

semper FRESCO
 semper SABROSO
 y... HOPI MAS BARATA

AMSTEL ANTILLANO SEMPER OBTENIBLE NA BO TIENDA PIDI AWE MES.

Solamente
 Fls. 8.75 pa caha

UN BRUID COMO OFERTA

pa TUYUCHI

No. 55

„M'a risca mi nek pa transporta e porkerianan aki y awor mi quier mi placa — ta pa placa m'a hacie. Mi quier mira placa awor, unbez.”
 A nesca awor murmuracion entre e presentenan y tur tabata di acuerdo cu exigencia di e homber murmurado. Y Padlet a interrumpe unbez den e asunto.
 „B'a tende loque boso ta hanja awor”, el a bisa „y si tin denter di boso cu no ta gusta asina nan por hanja algu otro di mi cu absolutamente nan no ta gusta. Mi a expresa mi basta cla asina?”

El a papia na un tono asina severo cu algun dje hombernan a back atras instintivamente.
 Pero e homber burachi no tabatin cunex cu nada.
 „Ta mi placa mi quier”, el a bisa caprichoso.
 N'e momento aki e marquesa a tende pasonan lihe su tras. Pura el a bira su cara y pa su mas grandi asombro el a mira Theresa. E mucha muho a sali for den scuridat bini dilanti, mientras luz di antorcha a cai riba su cabinan blond y lombrante, iluminando tambe su traje asina bu-

nita di felpa blancu manera marfil cu tabata haci su figura ainda mas bella.

El a abri su wowonan anchu, pero aparentemente e no tabatin miedu. El a queda ta mira e hombernan cu tabata mire cu asombro y mudo di admiracion.

Luego el a dirigie na e marquesa y su stem tabata asina helder cu tur presentenan por a tende masha cla.

„Lord Bolkan a bisa mi di jamu bq pasobra un seccion di dragoner y un numero di hombernan warda-costa y douane ta pidi pa drenta castillo.”

E marquesa a expresa un grito.

„Esei ta nifica cu nan ta bai ristra den castillo, cu nan lo pone tino riba cada boto cu ta nabega bao di klipnam. Boso mester bai inmediatamente, hombernan. Mi yiu lo sabi di tene nan un ratu combersando. Pero nos no mester perde ni un momento”, el a grita.

Ya Padlet tabata pagando e hombernan. Un pa un e homber a cohe-

nan placa y a corre limpi bai. Cu excepcion di e homber burachi cu a queda caminda e tabata.

„Dunami mi placa prome mi bai; mi placa”.

„Disparce bo bai na boto unbez”, e marquesa a ordena.

El a dal un stap den direccion di marquesa, y esaki a queda para tranquil ta mire.

„Sea bo ta duna mi mi placa of mi ta bai cu e porkerianan aki”, el a bisa ronco. El a saca su man grandi y tira man cohe e collar di diamanta di marquesa ta rancia. Impulsivamente Theresa a dal un grito di spantu.

Padlet a larga e sacu cu e morocotonan restante cai y a bula dilanti. Pero e marquesa tabata mas lihe cu e.

A resona un zonida stranjo ora cu e marquesa a saca rapidamente un spada di staa, y den un movimiento sorprendentemente rapido e spada dje marquesa a penetra te den cor-coro dje homber burachi. Esaki a trompeca y tabatin un mirada di gran ad-

miracion riba su cara. Despues el a zak di banda riba e vloer. E antorcha su luz tabata na laria y un ratu despues tabata reina un silencio penetrante den e anchi secreto aqui.

Ora cu e cosnan aki den termino di un paar di seconde, mes lihe e marquesa a hinka su spada den esaki y su balinga di marfil trobe.

Awor e marquesa a dal un grito huri. Un harimentu di hubilo jen di alegria. Y su boz tabata forma un eco contra haranecan dje lamar.

El a stoos su pia contra curpa dje homber na suela.

„Percura pa e figura aqui bao ser retira”, el a ordena Padlet. Luego cu cabes na laria y un sonrisa riba su cara el a dirigie na Theresa.

CAPITULO IX

Tabata como si fuera un sorto di paralizacion a podera di Theresa. Casi e no por a move su curpa. Su curazon tabata palpit cu violencia y e horror cu e tabata sinti pa loque a

caba di tuma luga dilanti di su bista a pone su cabes ta bira.

Tabata como si fuera cu su bista no por a quita foi e stroom di sanger y e wowonan ya a bira manera glas dje homber burachi.

Un boz interior a bise cu e mester a haci algo; cu e mester a trata na yuda e homber aki. Pero tur loque e por a haci ta para fihá sol. Su curpa a renege su servicio por completo.

E ora el e marquesa a bira ta mire. Tabatin un expresion di horrible crueldad riba su cara. E mester a bira asina degenera cu e por a goze cu hasta un asesinato. Su wowonan tabata brilla y tabatin un rubor riba su labionan. El a manda su cabes den su nek, sin temer pa cualquier opinion humano y di antemano menospreciable.

Y cu algo di hubilo den su boz el a bisa Theresa:

„Bam mira yiu, nos no por queda mas aqui. Corda bon cu nos mester

holhe den salon cerea nos huespednan”.

Theresa no por a haci nada otro, sino para ta fihá e muhe aqui, te ora cu e marquesa a cohe q su braza y a bai cune den e anchi medio secur. Den su imaginacion tabata parece Theresa manera dendenan dje muhe aqui tabata di staa y manera ta den hank-schoof su braza tabata. E dednan tabata cayente ainda y Theresa por a imagine e lucha interior cu tabata tuma luga den e marquesa.

Tabata como si fuera e proceder criminal aki dje marquesa a rejuvenece y el a hanja mas animo y tabata parece awor anjanan mas hoben. E energia cu tabata brilla foi su personalidad tabata haci e muhe aqui casi irresistible. Asina aki lo e mester tabata den flor di su hubentud, bella manera un lile di campo.

(E ta sigui)

CISCO KID

1. „Esta bon!“ „E ta bay gana!“ 2. „Esey tabata e mehor te awor!“ Y awor... e ultimo consursante!“ 3. „SEÑORITA FIERA!“



JUAN EL INTREPIDO

1. „Pa destrui e torre na unda e gobiernadonan ta reuni ta falta dos avion...“ 2. „E rojan a construi un pisa aki... na 30 km. mi guardanan ta informa...“ 3. „E tin dos avion di bombardeo semper cla aya. Nos lo ataca den dos grupo... un lo destrui e torre di radio y lo e cabu cu esunnan cu ta na terra...“ 4. „Y e otro encabezaando pa Jack y ami, lo captura e bombarderonan den aire... un avion lo bombardea e pista pa quita nan for di camina. Despues ta nos plan, pa destrui e!“



DICK TRACY

1. „Algun identificacion di e hombre bieu?“ „Ningun.“ 2. „E bota?“ „E ta mescos cu hopi traha aki. E por ta di Honolulu.“ 3. „Si bo stop di jora, talvez nos por papia cu otro y bo por a bisa mi kende bo ta.“ 4. „O wai oe?“ „E ta puntrando bo kende bo ta.“



RIP KIRBY

1. „Fortuna a huy! E la laga un notu, diciendo cu lo e no bolbe nunca mas!“ 2. „Esey ta insultante... nan lo quere cu e no tabata quier a casa cu mi.“ 3. „Por fin liber...! lo mi cambia mi nombra y lo mi hanja un empleo como cantante.“



EL PRECIO DEL TRIUNFO

1. „Desayuna cu mi, Lalo!“ Danki, mi tabata bay invita mi mes! Derek Archer a bisa mi paquico bo a desaparece ayera nochi! E la rabia ora... e la mira mi sunchi bo den jardin!“ 2. „Esta fantastico!“ „Esey ta lo que e la bisa... pero el a insisti cu e la mira nos claramente.“ 3. „Mi no sa... mi no sa quico mi bisa!“ „Wel ami si, Monica, mi sa exactamente!“



EL DIARIO DE UNA VIDA

1. „Kay!“ „Laga nos no papia di e asunto mas, lo ta mehor.“ 2. „Sr. Jones... Senyor Ulbeck quier papia cu bo inmediatamente.“ 3. „Papa Jones... bo intencion pa pone nos den contacto cu otro, esta Cobby y ami tabata honoranle. Pero queda cu asunto nan culinarios solamente y laga asunto nan di amor pa e expertonan.“



PEPITA

1. „Mi tin hamber... p'esey mi no por drumi.“ 2. „No ta importa mi cu ta meianochi. Mi ta bay conie algo...“ 4. „Nunca mi a pensa cu mi mester a warda mi turno na un ora asina!“



NACIONAL TA CUMINZA NACIOAL TA CUMINZA AWE

(Di nos redactor Deportivo)
ORANJESTAD. — Den tres ramo di deporte lo tin durante e weekend aki enuentronan cu tema di afor. Pa midi forza cu nos volleyballistanan awe nochi na Estrella y majan anaita na St. Annuschool na Noord lo yega un equipo femenino di Corsow awe merdia. Den softball ta yega for di Maracaibo un novena di softball masculino, cu lo enfrenta un seleccion local awe nochi y majan atardi den Wilhelmstadion.

Esaki lo ta promer biaha cu un team di softball stranhero ta bin hunga na nos isla.

Tambe pa tennis ta bin un equipo for di Venezuela. Iyo Pimentel, campeon di Venezuela lo bin acompaña di Juan Rubio, Elias Gonzalez Delfino y Olando Bracamonte, e ultimo aki campeon juvenil un di e maximo promesianan di tennis Venezolano.

Awe tardi na Lago Sport Park e promer enuentronan di tennis lo tuma lugar. Lo tin tres match di singles. Pa Aruba lo hunga Janny Brokke, Nel Harms y Steward Malmberg. Majan atardi tambe den Lago Sport Park lo tin dos match di dobles. E dos teamnan di Aruba lo keda forma pa Janny Brokke/Vi Henriquez y otro pa Nel Harms/Steward Malmberg.

EDWIN DIRKSZ TA HOSPITALIZA

(Di nos redactor Deportivo)

ORANJESTAD. — E conocido futbolista Edwin Dirksz, kende a forma parti di e fortissimo defensa Antillano cu a tene Hulanda sin anotacion den e tan espera (y cu a resulta tan decepcionante) partido di diarazon anochi, ayera despues di su regreso na nos isla a bai dispensario di Lago pa laga check su pia. Manera nos a scribi Edwin den e segundo tempo mester a bandona e partido debi na un fuerte golpi cu el a hanja na su pia. Ya na momento cu e back derecho a cumin-

za ta baha for di veld su pia a cuminza ta hinchu.

Na hospital di Lago el a worde mande pa tuma X-ray, cu a muestra cu no tin fractura. Pero si e dokternan a constata cu tin un fuerte hemorragia internal, loke ta existi hopi descanso, y tratamiento adecuado.

Pa e motibo aki, Edwin Dirksz mester a keda hospitaliza na Lago.

Esaki ta un di e resultadonan di e wegá bruto cu e hulandesnan a mustrá.

For di e columnanan aki nos ta expresa e deseo cu pronto Edwin lo mehora.

AURA ROGA A BAI Ariba PA REINA DI DEPORTE

(Di nos redactor Deportivo)

ORANJESTAD. — Drentando e etapa final di e eleccion pa Reina di Deporte 1960-1961, nos ta hanja cu e candidata di U.S. Keds, Aura Rogá a pasa ocupa e promer puesto.

Su cantidad di votos obteni ta actualmente 1.217. Den segundo puesto nos ta hanja awor Monica Irma Lewis, kende tin riba su nomber 932 votos. Matrina Diaz, candidata di Mosicos ta den puesto number tres cu 623 votos, sigui pa Myrna Bislick, kende tin 140 votos.

Sira Koolman ta e proxima candidata cu 28 votos, mientras cu e ultimo ta Lucia Tromp, kende tin 6 votos.

E candidata Judith Peterson pa circunstancianan a dicidi di retira su candidatura, kedando asina seis candidata for di cualnan e fanaticonan por eligi e proxima Reina di Deporte.

Coronacion di esun eligi lo tuma lugar majan atardi den Wilhelmstadion despues di e partido di softball entre e equipo di Venezuela y esun di Aruba.

Te 4'or por vota

NA E FANATICONAN TA WORDE PARTICIPA CU VOTONAN POR WORDE DEPOSITA TE MAJAN ATARDI 4'OR. DEN ORA DI ATARDI, ES DECIR, TE 4'OR POR WORDE VOTA AINDA NA LAGO

SPORT PARK CAMINDA TIN TENNIS, Y NA WILHELMINASTADION CAMINDA TIN SOFTBALL.

ASINA TA CU DEPOSITA BO VOTO PROMER CU CUATOR MAJAN ATARDI NA UN DI E LUGARNAN AKI. TAN PRONTO E RESULTADO FINAL TA CONOCI E LO SER ANUNCIA DEN WILHELMINASTADION. LOKE LO WORDE SIGI CU E ACTO DI CORONACION.

FULLMER A BOLBE DERROTA BASILIO

SALT LAKE CITY. — Gene Fullmer di 28 anja, diarazon anochi na Salt Lake City a defende cu exito su titulo di campeon mundial di peso medio contra su contrincante di cinco anja mas bieu, Carmen Basilio.

Fullmer a gana pa K.O. tecnico. E referece a stop e pelea seis seconde prome cu e di desdos round termina.

Na e momento nan ey Basilio tabata sangra teribel for di su nanishi, y su dos wowonan tabata practicamente serra. E no tabatin un resistencia efectivo mas.

Apesar di esaki Basilio a keda masha asombra cu e decision y pa un rato a parce cu el lo dal e arbitro un mokete. Algun polis cu a bula den ring a logra calmele.

E pelea pa e titulo a worde solamente reconoci door di N.B.A., na unda majoria di e estadonan mericano ta agrupa. Estadonan manera New York, Massachusetts y e paisnan no-Americano ta considera Paul Pender como campeon mundial.

Petrona & Croes

Dakota - tel. 1712-1639

PA TUR BLOKKI DI CEMENT Y BETON

Ter voorkoming van rimpels in het voorhoofd
Ter bestrijding van „kraaienvoetjes“ bij de ogen
en van de „jaarringen“ in Uw hals



DAT KAN PLACENTUBEX
PLACENTUBEX doet rimpeltjes verdwijnen. En: hoe minder rimpels, hoe jonger het gezicht. PLACENTUBEX is in staat om jaren langer te maken — vaak vele jaren — reeds na enkele weken. Levensbevattende elementen van de natuur werken in PLACENTUBEX samen met de gepatenteerde basis. Zij werken op drievoudige opname van de huidcellen wordt verhoogd. De huid wordt van binnenuit jong. Ja, PLACENTUBEX werkt op een wijze, zoals onleerbare vrouwen dagelijks onderhouden: De tijd wordt een halt toegevoerd — men voelt de rimpels verdwijnen. Het is alsof onzichtbare handen de huid liefdevol gladstrijken.

Placentubex

verjongt en spant de huid
MERZ & CO. Frankfurt/Main — Berlijn — Zurich.

Verkrijgbaar op Curaçao in alle botica's, betere zaken en Supermarkets.
Op Aruba: Aruba Trading Co., Oranjestad en St. Nicolaas en in alle botica's

Enjoy Life
with

Miller
HIGH LIFE

The Champagne of Bottle Beer

A Genuine Milwaukee Beer, Miller High Life is Brewed and Bottled by the Miller Brewing Company ONLY in Milwaukee, Wisconsin

NOW AVAILABLE AGAIN IN ARUBA!

ONLY FL. 8.75 PER CASE (24 bottles)

HOME DELIVERY

Agents: A. M. LACLE

J. G. Emanstraat 59 - O'stad

Tel: 2137

Already available at:

HOTEL EMBAJADOR - TROCA-
DERO - EAGLE BAR - RIO
BAR - RIO CLUB - DELI BAR
and MAI STORE!

SOON IN OTHER GOOD PLACES!!